

تورک پوردی

تورک ادبیاتی مرکزی لیبیتی لطفندره نشر اولونور

نومبرو : ۱۴

اول بشتنجی سنه

جلد ۳

تشرین قانی ۱۹۲۵

تورك اوجاقلرى شتونی

استانبول تورك اوجاغنده قونفرانس

استانبول تورك اوجاغی قیش قونفرانسلینه باشلادی . ایلك قونفرانس استانبول میمون آقچورا اوغلی یوسف بك طرفندن تشرین اولك ۱۶ نجی جمعه كونی ساعت اوچ ده ویرلدی . قونفرانس سالونی منورلرله طوكلشدی . یوسف بكك قونفرانسه ویردیكى عنوان « هرشیدن برآز » در . بومصاحبه تك عینی آشاغی به درج ایدیورز :

خاعلر ، افندیلر ،

آنقره ده آلتی آی قادار چالیشوب استانبوله كلنجه ایکی قونفرانس ویرمشم : سفولاستیق ، منورلرک وظیفه سی . هرایکیسنگ معین برر موضوعی واردی ؛ هرایکیسنگ ، آلدن کلدیکی قادار ، درلی طوبلی ، ابتدالی انتهای ، تسلسل وانتظاملی اولماسته چالیشمشم . هرایکیسنگ ، شوبله بوبله قونفرانس آدینی طلاقه بیلدم ... لکن استانبوله آلتی آی قادار استراحتدن سوكره ، معین برر موضوع اوزرینه قونفرانس دنیه بیله جك برشی طوبارلایامادم . چوق سودیکم ، چوق مربوط اولدیم ، دائما ایچنده چالیشمق ایستدیکم تورك اوجاغی ، شندن قونفرانس ایسته یجده ده رد ایدمدم : هرشیدن برآز بحث ایدرم ، سرمایه م توکثیرسه ایشی دیالوغه دوكرم ، یعنی محترم دیکله ییلرله قونفرانسور ، مصاحبه ، بلکه ده مناقشه ایدرز ؛ و بولر احتمال اك ساده ، اك طیبی ، بناء علیه اك صمیمی اولور ، دیدم وقبول ایدم ..

غریب دكلی ؟ آلتی آی آنقره ده یورولوب كلش قفامله - برآز میمون پرویاغانداسی سایارسه كز ، صاییکز : بن مجلسده اپی چالیشانلردن بریسیم . فقط اپی چالیشدم ديك ، چوق ایش كوردم معناسنه کلدیكی كنندم اعتراف ایدیم .. ایکی قونفرانس حاضرله - بیلدمده ، آلتی آی استانبوله استراحتدن سوكره ، قفای یورولمش بولیورم ! عجبا ، نعدن بو ، بوبله اولدی ؟

غالبا چیرله ینگ بر نظریه سی وار : (بو کونکی انکلتزه خارجیه ناظرلی ، یاخود اونك کندیسندن چوق مشهور باباسی دکل ، آلمان محررلرندن ، مدنیت تاریخی حقنده چوق اوقونان مشهور بر اثر صاحبی چیرله ینگ) مدنیت مرکزلی ، قورو ، آز رطوبتلی شهرلر اولایلرمنش . بو ادعاسنه دلیل اولق اوزره ، آنته ، قدسی وپاریسی صایبور . بری مدنیت قدیمه تك ، بری مدنیت دنیه تك ، بری ده مدنیت حاضره تك مرکزی لولان

اوج شهر . ياش شهرلرده (تفرس بويوريورسكزكه ياش بوراده آسمايقالبلك قوللايدىنى معتاده دكلدر .) دماغ كافى چاليشامازمش ، راندمانى آز ويربرمش . بونظريه دوغرى ايسه جذا قورى اولان آنقرهده ، حقيقه ياش اولان استانبولدن فضله دماغى فعاليت اوليور ، نتيجهسى چيقار . چبرله بن ، نظريه سنده دوامله ديورمش كه آتته اطرافنده باطالقلر تشكىل ايدوبده رطوبت آرتتجه ، باخصوص سيورى سينك چوغالوب يونانليلىر صيتهيه طوتيلنجه ، فعاليت دماغيه اكسيلىدى وصيته يونان مدنيت قديم سينك انحطاط وزوانه مهم برحامل اولدى . آنقره نيك ياقين زمانلره قدر ، فكرى راندمان اكسيكلكتى ده ، نظريه نيك بوايكنجى شتى ايضاح ايدىيور ، دكللى ؟

چبرله نيك نظريه سينك تماماً طوغرى اولدينى ادعا ايدمك دكلم ؛ ادعا اينسهم ييله جمله كزى اقتناع ايدمك كې اثبات ايدمك كه .. بالكرز ، هيمزك آز وسطى معلومات تاريخيه مزله بيله بيله يكمز برشنى وار : استانبول ، قديم ، خرستيان واسلام مدنيتلرينك اك مهم شهرلردن برى ايكن ، حس ، فكر ووجدان ساحه لرندم بويوك ابداعلرك ، مهم جمله لرك ، اساسلى صولتلك ياراديجى قدرتلك نجلى محلى اولامامشدر . بشرينك تكامل مرحله لرندم ، نه علم ، نه صنعت ، نه دين ، نه فلسفه نه ده بونلك نوعاً تطبيقات ساحهسى ديمك اولان سياسى واجتماعى تكامللر ، بيزانس ويا استانبوله چوق مديون دكلدر . خرستيان بيزانس ، تعقيب وتقليد ، تعبير ديكرله اسقولاستيق شهريدر . واقعا بيزانسكرمباريسله ابقونوغرافى وموزايىق ايشلىرى ، ايمپراطورلرك دينى واستبدادكار اداره قرطاسيهسى ، نهايت طنطنه الفاظه بوغولمش ادبيات رسميهسى ايله دينى وتصوفى فلسفهسى ، مدنيت تاريخنده بويوك شهره خصوصى بر رنك ويرر ؛ فقط بونلك هيج بريسى تماماً ابداعى دكلدر . عين حالى مسلمان اسلامبولدهده كوريرز : عثمانلى معماريسله چينيلرى ، سلطانلك دينى واستبدادكار اداره قرطاسيهسى ، ديوانى يازيسى قدر قاريشيق وچتره فيل اندرون ادبياتى ، دينى وتصوفى فقط ابداعى اولمايان بر فلسفه ، تقليدى ، اسقولاستيق فقه وكلام . . .

استانبولك فكر وحس ساحه لرندم حرييتدن ، ابداعدن ، جسارتدن و بناء عليه خصوصيتتن (Originalité) اوزاق قالمه سنى يالكرز اقليمك رطوبتنه عطف ايتك ، كافى بر سبب كوسترمك اولماز ، صانيرم . بونك بر چوق سببلرى اولسه كركدر . بن بونلردن يالكرز بريسنى عرض ايدمك : استانبول ، چوق كوزلدر . . . استانبول ، فوق الماده ، عقللى آلاچق ، ساكنلرني تسخير ايدمك ، بويوله بوب حركتسز براقه چق ، آموب اوپوشد بر محقق درجه ده كوزلدر !

بو قدر كوزل بر بيرده ، انسان او كوزلكه طويوبده باشقه بر شى ايله مشغول اولامىيور كه . . . استانبول ، طبقى چوق كوزل ومستبد قاديئلركي ، ايچنده ياشايانلرى تماماً كنديسنه باغلييور ، كندندن باشقه بر شيله اشتغاله مساعدده ايتيور . بن ، استانبولده كچن آلتى آيك ، هيج اولمازسه دوردى بونكوزلكى طاعنه كچيردم . بوتلنذ ، دماغك نيك چوق كوزله علاقه دار اقسامى ايشله تيوردى ، ديكر ملكه لریم تنبلشمشدى . . .

بومناسبتله ، خاغلر ، افندیلر ، بزم کندی کندیغه وسزه صورمق ایسته دیکم برسؤال وار: عجباً انسانک فردی اراده سی ، محیطنک تأثیرلرینه قارشنی قویا مازی؟ حتی غلبه ایده مزی؟ اییه لیت نه نك محیط نظر به سنی آدم عقلی بیلیمورم . قارل مارقسک هر شیشی اقتصادی طاملره و بناء علیه فردک اراده سی خارجنده کی سبیلره ارجاع ایتمه سنی این معقول بولیمورم ، فقط بوده بی اقاع ایتمور . ظن ایدیورم که نظریه لرك وضعنده عرق تحسس وتفکر طرز - لرنک تأثیری وارد: بئودیلر ، آلمانلر ، اسلاولر ، قولله کتبیوته یه چوق اهمیت و بریورلر انکلیز متفکرلری ایسه ، دائماً فردم ، اراده فردیه به بویوک قیمت و بریورلر . طوماس کارلایل کی تاریخی واقعه لری منحصرأ قهرمانلرك خلق ایتمیکنی تسلیم ایتمه ک بیله ، تکامل تاریخنده قهرمانلرك ، فردی اراده لرك بک مهم بر عامل اولدیغنی قبول ایدیورم . باخصوص نورکلرك بویوک تاریخی دوره لرنده ، قهرمان نظریه سته چوق بویوک بر قیمت و یرمه مک هیچ قابیلدر ؟ قوتی بر اراده فردیه نك نه لره مقتدر اولدیغنی هر کون وجد و حیرتله ، عجبان ومنته کوروب طوریمور !

استانبول نه قدر کوزل ، نه قدر سحر ، نه قدر جاذب اولورسه اولسون ، انجمنده باشابانلری صرف کندیغه حصر ایتمک ، صرف کندی کوزل لکیله بلع ایتمک نه قدر ایسترسه ایسته سین ، عجباً کنج نورک لسی ، صرف اراده لرنک قوتیه ، یعنی اراده لرنی تربیه ایده رک بوسحر وافسوندن قورتیلامازلری ، بویوی چوزه مزلری ؟ - کنجلر استانبولی سومه سینلر دییورم ؛ سوسینلر ، چوق سوسینلر ، آنجق عقلیجه سوسینلر ! بر کوزل قادنی بیله سومک ، ایشتی ، کوچنی ترک ایدوب ، اونک دیزنده یاتمقدن عبارت قالیرسه ، عاشقده معشوقده نهایت آچاقدن اولورلر . .

خاغلر ، افندیلر ،

کنجلرك اراده لرنی تربیه ، سبیه لرنی تخیه ابله اصل مکلف اولان مکتبلردر . فقط هر برده کورولیمور که مکتب بوایشه کفایت ایتمور . مکتبه کله دن اول عائله یه ، مکتبه برابر ومکتبدن صوکره ، اوکا معاون اوله رق بعض تعضیلره احتیاج وار . اراده وسبیه نك سین بر طرزده تکوین وتخمیه سنده اسبورک چوق نافع اولدیغنی سوبلیورلر ؛ آنفلور ساقسونلرك قوئلده اسبوره مهم بر حصه آیریمورلر . واقعا ، بزم اسبورجی کنجلرك سبیه وتربیه جه بعض فضیلتلرینه واقف ؛ فقط بر خیلی قصورلرنی ده کورمه مک قابلی ؟ . . عمومیتله نافع اولان بوجریانک باشنده کیلرده ذاتاً بونی انکار ایتمورلر ؛ سبیه وتربیه نك مطلوب غایه به تماماً توجه اولونمادیغنی سوبلیورلر و یازیورلر . . . حتی تربیه جیلریمزدن بریسی ، بزده اسبورجیانک فنا بر چیغره کیردیکنی کوره رک کچنده تلاشی تلاشی فریاد ایدیوردی : غلط سربایلرله فنار باشچیلر ، بیژانک یشیل وماویلرنی آندیرمه به باشلادی ، دییوردی . کونده لکلرك اوزون ستونلرنی دولهیران اسبور دکل ، اسبورجیلر غوغاسی ، صاغلام اراده لرك ، قوتی سبیه لرك ناسسته بر نشانه تلقی ایدیله من ، دکلی ؟ - عجباً بوحادثه لرله ده ،

فردی و بشری اراده لره ، محیطك غلبه سنی شاهد اولقده یز ؟ - بيلم ، آنجق شوقلدری ادعا ایدیه بیلیرم که مکتبه معاون اولان اسپور مؤسسه من ، کنجلكك اراده وسجه سنی ملاولامه به کافی کلیور ، حتی . . . مع الاسف ، بعض فردی علائمی بيله کوستریور . . . خاتمر ، افندیلر ،

بزم کبی یکی بر حیانه یکمك ایسته یز بر عملکته قومشویز . واقعا بزم یکی حیات حقنده کی تلقیمز ، قومشومزك تلقیسندن چوق فرقلیدر ؛ غایه لرده عظیم فرق اولدیغنی تکرار ایتمکله برابر ، بر خصوصده ، یاللقده اولان عملیه ده ، مشابهت اولدیغنی سویله بیلیرز . هریکی ملت ، اسکی بر طرز حیاتی آتوب ، یکی بر طرز حیاته کیرمك ایسته یور ؛ بونکچون بالخاصه کائناته باقیشی ، کائنات حقنده کی نظرخی دیکشدرمك ایسته یور .

مساعده کزله کائناته باقیشن تعبیری اوزرنده بر دقیقه توقف ایدیه جکم ؛ اهمیت ویردیکم وایکیده برده تکرار ایستدیکم بر تعبیردر . سوز و یازیلاریمده بعضاً بوکا دنیایه نظر ، بعضاً حیاتی طرز تلقی دیمشم ؛ بونلرک هبسی آلمانلرک weltanschauung روسلرک Miroçozertsanié تعبیر ایستکلری مفهومك مقابل اوله رق قولالایورم . بونکله اک عام وشامل معناسیله کائنات وحیات حقنده کی طرز تلقینك هیأت عمومیه سی مراد اولنیور . آزچوق دوشونن بر آدمك ، بر جمعیتك کندینه مخصوص بر کائنات طرز تلقیسی ، دنیایه باقیشی واردر . و بوکا ایستهرسه کز ، او فردك ویا جمعیتك فلسفه سی ویا دینیدر ، دییه بیلیرسکمز .

روسلر ویز ، شمعی هیأت اجتماعیه جه دنیایه باقیشمز طرزخی دیکشدرمك دوره سندیه یز ؛ آنجق اونلرک قبول ایتمك ایسته دکلری حیات و کائنات طرز تلقیسی بزمکنه بکزه میور . بزم ، عصر مزده متمدن صاییلان اقوام آراه سندیه مختار اولان طرز تلقی قبول ایتمك یولنده یز . برقاچ آی اول ، دارالفنون نامنه ویردیکم قونفرانسه ده « مدنیت دیکشدریوروز » بر مدنیتدن دیگر مدنیتیه کچیوروز « دیمشم ؛ آشمی » دنیایه باقیشمزی دیکشدریوروز « دیمیی ده ا موافق وشمولی بولیورم . بنشمنك زمانزده پك زبازرد بر اصطلاحی قولالاهرق بو واقعه عظیمیه تورک ملتك شعورنده قیمتلرک آلت اوست اولماسی ، تورک ملتجه قیمتلرک یکیدن تقدیری ده دییه بیلیرز . اوروپا مارشخنده قرون اخیره مبدای ، یکی زمان مبدای صاییلان ، رونه سانس و ره فورماسیون ، علم ، فلسفه ، صنعت ، دین ، حاصلی فردی واجتماعی حیات و کائنات تلفیاتنده قیمتلرک تبدلیدر . قرون وسطائی نصرانیتمك کائنات تلقیسنه کوره ، دنیوی حیات ، اذواق حیات مفور و مکروهی ، دنیادن یوز جورمك ، دنیایی ترک ایتمك غایه حیاندی . قرون اخیره خرسکیانلغنده بونظریه آلت اوست اولدی . ره فورماسیونك اک بویوک سیاسی ، عادتا پیغمبری اولان مارتین لوتهر ، برشمرنده دیورکه :

« Wer Wein, Weib und Geiz hiebt Schatzten Kann Bleibt ein Narr

Sein Leben lang » [1]

[۱] « شراب ، قادین و موسیجیتمك قیستی تقدیر ایدیه یز آدم ، بونون حیاتنده الحق قلشدر . . »

لوتر ، بیلر سکرز او کوستن طریقته راهلر نئدندی . دنیایه نظریخی د کیشدیر نجه راهلر کندن چیقدی ، اولندی برچوق چوق باباسی ، اینی برعائله رئیس اولدی . حیاته ذوق و نشاطك نصرايته مغایر اولمادیغنی ادعا ایتدی . و ادعاسنه اویغون بر حیات کچیردی . حاصلی خاتلر ، افندیلر ، بوکون ایچنده بولندیغمز و تیره تاریخیه ، حیات و کاشات تلقیاتمزه قیمتلرک د کیشمه سیدر .

بو تبدله ، عظیم بر فعالیت ، فکری و عملی بر فعالیت عظیمه لزوم اولدیغنی جمله کز تصدیق ایدر سکرز . بو نوع فعالیتلرک اصولارینه دائر قومشومزده بعض نمونهلر کوره بیلیرز . دیگر بر قومشومز ایتالیاده ، باشقه برغایه ایچون همان عین اصولار تطبیق اولونمده در . فاجیهست تشکیلاتی حقیقده بالخاصه بومسأله بی تدقیق ایدن ، بومسألهیه ، دائر کتابلر یازان ذاتلردن اوجاق نامنه برر قونفرانس ایسته مک موافق اولور .

روسلرک کنجلك تشکیلاتنده ، مکتبدن باشقه اوچ قدمه وار : بر ، پیونیر (pionnier) نك انگلیزجه تلفظی اوله جق) ، بوتشکیلات ، آوروپاده چوق باغچه لرنده تربیه اولونان مینی مینیله بوی اسفاقلره داخل چوققلری احتوا ایدر ، ایکی ، قومسامول (قوممونیست کنجلكی معناسنه کلن روسجه برکله دن اختصار ایدیلش بر تعبیردر) ، پیونیرلر ۱۶ ، ۱۷ یاشنه کلنجه قومسامول تشکیلاتنه کیره ؛ نهایت اوچنجی قدمه قوممونیست فرقه سیدر ، پیونیرلک و قومسامولک ایله احضار و اعداد ایدیلش کنجلكر ، معین سننده فرقهیه داخل اولورلر . ایکی اواسکی مرحله ده کنجلكره ، یکی حیاتک نظریاتی اوکره دیلیر ، بالخاصه یکی حیات تلقین اولور ؛ عینی زمانده ژیمناستیک واسپور ایله عسکری تعلیملر یاپیدیریلیر . غایهیه موافق تربیه آلمایانلر ، سجهیلری مطلوبه موافق اولمایانلر ، دوکولور ، قالیر ؛ یعنی بلا امال ، بلامهال ، حتی بلامرحمت تشکیلاتدن اخراج اولور . ذاتاً کرک قوممونیست فرقه سننده کرکه فرقه نك کنجلك تشکیلاتنده غایت شدید ، تماماً عسکری بر دیسپلین واردر . ایستر سجه و تربیهیه ، ایستر فکر و غایهیه متعلق اولسون ، اک اوافق قصورلره بیه کوز بومولماز . بوسورتله چوققلاشدن بری حاضر لانه رق ، و متعدد تصفیه لردن کچهرک فرقهیه کلن آدملر ، آرتق غایهیه ، ایده آله تمام مربوط ، تماماً شایان اعتماد ، فداکار ، حاصلی یکی حیاته لایق کیمه لر تلقی اولور .

خاتلر ، افندیلر ، بومسأله ده اصل نظر دقتمزی شدتله جلب ایتمه سی اقتضایدن بر نقطه وار : بو اوچ تشکیلات ، حد ذاتنده بر تشکیلاتک متعاقب مرحله لرندن عبارتدر ؛ آره لرنده یالکز آهنک تأملیه اکتفا اولونامشدر ؛ عین اصول ایله ، عین غایهیه یتشمک اوزرنده اداره اولنورلر . بو وحدت نظر ، وحدت اداره درکه تشکیلاتک دهشتلی قوتی توحید ایتشدیر . قوممونیست فرقه سنك قومساموللرله برابر موجودی بلکه ایکی میلیونه بالغ اولمادیغنی حالده ، قوممونیست حکومتی ، بوکون ، ۱۵۰ میلیون اهالی بی غایه سنه خدمت ایتدیروب طور بیور ! . . .

اسپور مؤسسەمىزك مقصدىمىز ، ايدە آلزە كفايت ايتىدىكىنى اولجە سولشدم . مکتبه معاون اولقى اوزرە اسپور مؤسسەسىلە برابر ، كىچىلكك فکرىنى وحشى معین غايەلرە موافق بر طرزده ايشلتمك و تربيه ايتىك و عضلات مبدأدن دكل ، فکرو حس مبدأدن باشلايه رقى اراده وسجيه سنى طاوولامق ايجون بر كىچىلك مؤسسەسنە احتياج محققدر . وبواحتياج ، بوندن اون اوچ ، اوچ درت سنە اول طويولشدرکه اوجاغىمىز ، « تورك اوجاغى » تاسيس اولونمشدر .

اوجاقلى آرقداشلىر ، تورك اوجاغى ، بر حقيقت تاريخيه اوله رقى تثبيت ايدە يىليرى : تاريخى بر وظيفه ايضا ايتمشدر ، و تاريخى وظيفه ل ايفاسنە تامىزددر ، لکن ادعا ايدە . يىليرى بىزكە عموميتلە تورك اوجاقلرى ، خصوصيتلە استانبول تورك اوجاغى تورك تاريخىك بوگونكى عظمتلى وقايى ايله متناسب بر فعاليت كوسترە يىيور . اوجاقلر ، كندى حالرنده قالدقجه نە ياپدقلىرى بردرلو ايشيدە ييورز ، اوكرە نە ييورز . آنجق بوگونكى تورك دنيا سنك حيات كونشى ويا اوندن نور آلان بعض پىكلرى ، اقلرنده طوغىنجه دركە جانلا ييورلر ، يە شريورلر ، چىچاك و يرييورلر . و اوزمان بر حيات اولدقلىرى سە زىيورز ، ايشيد ييورز .

توركيە نك سماننده توركلرك كونشى نور و حرارت صاجوب طور دىنى حالده ، ايجون اوجاقلرىمىز اوكونشك نور و حرارتيله مئادياً و حارل حارل يان ييورلر ؟ بكا اويلە كاييوركە تورك اوجاقلرى بويلە يانارسە ، اونك آتشنده دو كولوب طاوولانان تورك كىچىلكىك اراده سى وسجيه سى ، دميرجى بوز قورتك ياپدىنى قىچىلك چىكى قدر سرت و صاغلام اولور و اوزمان بوتورك كىچىلكىك فردى اراده سى ، محيطك تأثيرلرئ غلبە ايدر ...

تاريخى و افسانەوى تشبىهلرە ، رومانىك دوشىنجهلرە دالارق ، غالباً ، هدفدن دها ايلرى يە قاچدم : يالكىز تورك اوجاغى ، اونك اراده تربيه سى وسجيه تقويه سى ، كىچىلكى استانبولك فضلە كوزللكنە ، فضلە لدائد واذواقه و بونلردن طوغان ايدە آل ضعفنە ، اراده تنبللكنە ، سجيە يومشاقلغنە ، فعاليت اكسيكلكنە قارشى كافى درجەده نهجيز ايدە بيلە جكنى ادعا ، مبالغەلى بر ادعا اولور . استانبولده نك اولان تورك اوجاغنە قارشى ، قاچ دانە لدت و عطالت اوجاغى ، قاچ ريبىلك و خيامبلك (epicurlen) اوجاغى وار ؟ ! - سوك زمانلرك استانبول ادبيات و مطبوعاتنە باقىكز : كوچوك حكايەلر ، رومانلر ، مزاح ورقبارەلرى الخ ناصل بر تربيه و ناصل بر سجيە تلقينى ايله مشغولدرلر ؟

خاتلر ، افنديلر ، بر آرز اول وضع ايتدىكم سؤالە رجوع ايدىيورم : عجبا ، انسانلرك فردى اراده سى ، محيطك تأثيرلرئ قارشى قويا مازى ؟ حتى غلبە ايدە مىزى ؟

هيچ شبهه يوق : مستثنا يارادلىش انسانلر ، محيطه قارشى قوى و غالب كلر . بن بو قطلى جوابى ، مجرد و نظرى اوله رقى و يريركن ، هيكز ، طوغرى سويلدىكىمى ، زماننده ياشادىغمىز ايجون جمله مىزك تاريخى بر قيمت قزاندىغمىز بويوك آدمى ، تعظيم و تقديسلە دوشونەرك ، تصديق ايدىيورسكز ... اوت ، مستثنا خلقتلر و دهارلر ، فوق البشرلر ،

تعبیر دیگر له تکرینک آدم اوغلانلرخی طوغری یوله سوقق اوزره سچوب یراندینی ویا کوندردیکی آدملر، دائما محیطه غالب، حال واستقباله حاکمدر... فقط، باشقه لری، بر، متوسط منور کتله بوقوتلی اراده بی ناصل آله ایده بیله جکیز، هیچ اولمازسه، قوتلی بر اراده بی ناصل معاون اوله بیله جکیز؟

ایده آله مربوط اولان ویا مربوط اولماسی لازمکن مؤسسه لریمز، مکتبلر، اسبور جمعیتلری، اوجاقلر، مطبوعات و فرقه، ایده آلنیزک تحققة کفایت ایده بیله جکمی؟ اعتراف اینلیر که بومؤسسه لر، کندی کندیلرینه قایلرلرسه برآزشکله وظرفه بکزیورلر؛ مظهر و فلی، روحلری کورنیور.. لکن ینه شکر ایدلم که روح، روح القدس ایچمزدده در. اوروح بومؤسسه لرک هانکیسنده تجلی ایدرسه، اوراسی جانلانیور..

روح القدس، یعنی ایده آل تجسد ایدنجه منجیدر. منجی بزه، صرف شأیتلردن استخراج احکام ایدهرک، هرکون ندا ایدیور: هدایت آنجق تسادله واصل اولابیلیرز! اگر مؤسسه لر، برر برر مقصده کاقی کله میورسه، بر کل حالنده، بردولت حالنده ایتالیا نلرک تعبیری ایله بر فاشیو (Le Faisceau) حالنده، بزی مقصده اولاشدیره بیلیرز. خلقچی، انقلابچی، جمهوریچی، یکیلک طرفداری، عصریلک طرفداری بوتون تورکلر، بوتون تورک مؤسسه لری، فرقه، مطبوعات، اوجاقلر، جمعیتلر، هپسی، هپسی برکملی و نام بر آهنگله منجینک الهی سسنه آیاق ایدوره رق یوروملیدر..

یوسف بک، بوسوزلرندن سوکره، مصاحبه نك انواعندن برآز بحث ایتدی و سوزینک ایتداسنده ایما ایتدیکی وجهله سامعینک ده سوز آللرخی رجا ایلدی. معلملردن بر قاق ذات بالمطافه دارالمعلمین خواجه لرندن محترم جودت بک مذاکره به اشتراک ایتدیلر. جودت بک مل مؤسسه لریمز آراسنده روابط و آهنگ حصولیچون عملی تدابیره مراجعت اولونمسی توصیه ایتدی. بونک اوزرینه اوجاق هیأت اداره سندن معلم نقیه خاتم، بوبولده بعض تشبیلرده بولنلمش اولدیغنی و تعقیب کیفیت اولنه جفنی بیان ایتدی و ساعت بشه طوغری اوجاقلی آرقداشلر طاغیلدیلر.